

Reload2: Zajedničkom izložbom radova završeno druženje u sklopu projekta “Kreativne radionice kao terapija djece i osoba iz njihovog okruženja”

Višemjesečno druženje u okviru projekta “Kreativne radionice kao terapija djece i osoba iz njihovog okruženja” završeno je zajedničkom izložbom radova nastalih na radionicama poentlase, keramike, filcanja i izrade mirisnih svijeća.

Projekat je proveden u okviru Regionalnog programa lokalne demokratije na Zapadnom Balkanu 2 - ReLOaD2, koji finansira Evropska Unija (EU), a implementira Razvojni program Ujedinjenih nacija (UNDP) uz podršku Općine Novo Sarajevo.

Svim učesnicima upućene su čestitke na stvaranju divnih malih umjetničkih djela i zahvala na divnoj pozitivnoj energiji koju su sve vrijeme dijelili.

Edukatrice Višnja Zvizdić, Brankica Fetahagić, Jasmina Muhović i Dijana Zvizdić svoje znanje i vještine prenijele su učesnicima na zanimljiv, prihvatljiv i izuzetno profesionalan način.

Tea Raguž, psihologinja koja je radionice pratila iz ugla psihologa istakla je kako su se kreativnost, emocije i međusobno razumijevanje spojili u jedno, te kako su aktivnost, angažiranost i spremnost djece na istraživanje bili vrlo inspirativni. Kroz projekat je stvoren zajednički prostor u kojem su svi zajedno učili, rasli i razvijali se.

Jedna od poruka ovog projekta je da kreativni izraz može biti moćan alat za izražavanje i razumijevanje naših unutrašnjih svjetova, te kako umjetnost može povezati i ojačati našu emocionalnu stranu.

U Udruženju „Djetlić“ se nadaju da će možda već sutra, svi učesnici stečene vještine iskoristiti kao svoje buduće hobije ili dopunska zanimanja.